



# এনসাইক্লোপেডিয়া বিষ্ণুপ্রিয়া মণিপুরী ঠারে!

বিষ্ণুপ্রিয়া মণিপুরী উইকিপিডিয়াত কিসাদে অবদান থনা

বিশ্ব এহানর উন্নয়নর গুরিগর আয়েপা কথাহান ইলতাই আগরে আগই পাংলাক। হাবির পাংলাকল উজ্জিসে গন বিশ্বকোষহান উইকিপিডিয়া, যেহান মানুর সম্মিলিত জ্ঞানর বারন আগো। এহাৎ যোগেউ অবদান থনা পারতাঙাই। উইকিপিডিয়াত ইকরানির কাজে লেখানির প্রতিভা বা পাণ্ডিত্য কিসাউ না লাগে। ছাত্রগোত্ত চিংকরিয়া যেকোন পেশার মানু যেতা কম্পিউটারে টাইপ করানি পারতারা তানু উইকিপিডিয়াত ইকরানি পারতাই। যে কোন বিষয়লো ইকরানি অকরের। ইতে পারে আমার খৌরাঙর যে কোন বিষয়আহান, গাঙ, গাঙগরর চালচলন, অনুষ্ঠান, কোন ঘটনা বা ইংরেজি উইকিপিডিয়াত অনুবাদ। আমি হাবিয়ে যদি আমার সময় উত্তম খানিকচুয়া সময় আমার উইকিপিডিয়াহান বরা (সমৃদ্ধ) করানির কামে তিঙকররাং অহান ইলে আমার দুঃখনাঙপি ঠারহান দুনিয়ারমা মুরগো তুলিয়া নিজর গৌরবগাঁথা চারিয়বেদে প্রচার করতই।

যেতারতা কম্পিউটার নাইলে ইন্টারনেট নেই তানু আতে ইকরা নিবন্ধ দিয়া পেঠানি পারতাঙাই সাধারন ডাকে। নিবন্ধ উতা ১০/১০০/১০০০ লাইন অক, অসুবিধা নেই। দিয়াবেঠানির ঠিকানাহান - বিষ্ণুপ্রিয়া মণিপুরী উইকি, ১০৮(নীচতলা), মণিপুরী পাড়া, এয়ারপোর্ট রোড, ঢাকা, নাইলে ঘোড়ামারাত নুওয়া পৌরির অফিসগত ফৌকরেদিক। ইন্টারনেটে কাকরানির বেসেপে থা থাইলে ই-মেইল করিক: [bpywiki@gmail.com](mailto:bpywiki@gmail.com)।

পৃথিবীং এবাকা মাতৃভাষার দুঃসময়

মিমুং অনাত নিজর মাতৃভাষানরে কালকরিক

ঠারহানরে জিংতা করিয়া থইক

ঠারহান জিংতা ইলে জাতহান জিংতা ইতয়

ইমার ঠারর এনসাইক্লোপেডিয়াহান পাকরিক

ইমার ঠারর এনসাইক্লোপেডিয়াত ইকরিক

[bpy.wikipedia.org](http://bpy.wikipedia.org)



বিষ্ণুপ্রিয়া মণিপুরী উইকিপিডিয়া

[www.bpy.wikipedia.org](http://www.bpy.wikipedia.org)

## কিতারকা বিষ্ণুপ্রিয়া মণিপুরী ঠারর এনসাইক্লোপেডিয়া?

ভাষাতাত্ত্বিক জরিপ আহাত হারপেয়ারতা বর্তমান বিশ্ব এহাত ৬ লিশিঙর চুওয়া ঠার মানুর থতাৎ উচ্চারিত অর। কিন্তু ২১০০ মারির বিতরে অতারমা অর্ধেক ঠার মাঙুয়া যিতইগা। ভাষাতাত্ত্বিক গিরিগিথানীর মতে প্রতি দশদিনে ঠার আহান মাঙুয়া যারগা। বিষ্ণুপ্রিয়া মণিপুরী অসাদে সংখ্যায় যাতপা জাতআহার কাজে এহান নিয়াম খালকরিন যারিহান অসে। ঠার আহানে জাত আহার ইতিহাস, ঐতিহ্য বারো সংস্কৃতিহান দরিয়্যা থর, গতিকে ঠারহান মাঙুইলে সংস্কৃতি আহান মাঙুয়া যারগা। সংস্কৃতিহান মাঙুনির অর্ধহান জাতআহান মিমুং অনা। উহানে জাতআহানরে টিকিয়া থইতে গেলেগা তানুর ইমারঠারহানরে জিংতা করিয়া থনা লাগের। বারো ঠার টিকিয়া থনার হাবিত্ত কার্যকর উপায়হান অইলতা ঔ ঠারর চর্চা থনা বারো লিখিত সাহিত্য ইকরানি।

এনসাইক্লোপেডিয়া বা বিশ্বকোষ বুলতারা এহান ইলতাই অসাদে জ্ঞানর ভান্ডার আগো যোগৎ বিশ্বর হাবি বিষয়র মাতুঙে সাধারণ তথ্য থার বা কোন বিশেষ বিষয় আহানর সম্বন্ধে মূল ফাতকরা বারো লিমপা য়ারি থার। আধুনিক যুগে বিশ্বর প্রায় হাবি ডাঙর ঠাররতা নিজরতা এনসাইক্লোপেডিয়া আসে। আমার ঠারেউ এসাদে অমূল্য বস্তু আহান থাইলে কিহান ইবতা? এসাদে চিন্তাত্ত আহিল আমার ঠারে এনসাইক্লোপেডিয়া আহান হংকরানির ধারণা।

## উইকিপিডিয়া

এনসাইক্লোপেডিয়া বা বিশ্বকোষ বুলিন এহান নিয়াম ডাঙর বিষয় আহান। মানুষে কোটি কোটি রূপা খরচ করিয়া শত শত বছর কাম করিয়াও লয়করে নারতারা। আমিতে নেই লেইরাপা কপালখিপা জাতহান; না তাংখা, না মেধাসম্পন্ন জনবল কিন্তাউ নেই আমারতা। এবাকা কিহানতে করানি? উপায়হান বাগাদিল ইন্টারনেটে। প্রযুক্তির যুগ এহাৎ ইলেকট্রনিক আকারে ভাষাআহানরে সংরক্ষন করানির সুযোগ দিল ইন্টারনেটে। ঠারআহার মৌখিক বা লিখিত রূপ মাঙুয়া যিতোগা পারে, কিন্তুমান ইন্টারনেটে খাইতয় উহানতে লক্ষ লক্ষ বসর খাইতয়হান। মানব সভ্যতা ধ্বংস নাসে মাছি রাস্ত্রশক্তি যেকনাপা কারতাউ ক্ষেমতা নেই উহানরে ধ্বংস করানির। এতার হাদিং আমার এসাদে বিলুপ্তপ্রায় ঠাররে রক্ষা করানিরকা আঙুয়িয়া আহিলা উইকিপিডিয়া ফাউন্ডেশন বুলিয়া বেলাভ সংস্থাআহান। তানু অনলাইনে বিশ্বর প্রায় দুইশহাংর গজে ঠাররকা এনসাইক্লোপেডিয়া চালু করলা যেতারে উইকিপিডিয়া বুলিয়া মাততারা। এবাকা উইকিপিডিয়া বর্তমান বিশ্বর হাবিত্ত ডাঙর তথ্যর ভান্ডারগো বুলিয়া স্বীকৃত। উইকিপিডিয়া এহান ইন্টারনেটর গজে থালগ দিয়া আবকচা ঠারর মুক্ত (Open) বিশ্বকোষহান, অর্থাৎ এরে বিশ্বকোষ এহান যোগেউ দেহানি, বদলানি বারো অন্য কুরাঙউ এহানর প্রয়োগ করানি পারতারা। সময় উহাত আমার মানু দুগো আগো যেতা ইন্টারনেটে কাম করলা তানুর, বিশেষ করিয়া নিউইয়র্ক প্রবাসী উত্তম সিংহ গিরকর নিয়মিত ক্লাস্ট্রহীন যোগাযোগ বারো পরিশ্রমে আমার ঠারর গজেউ উইকিপিডিয়া আহান ইন্টারনেটে যুক্ত অইল। ইমার ঠারে এনসাইক্লোপেডিয়া আহান চালু অনা অহান আমার জাতরকা কতিহান গৌরবর কথাহান উহান হারপাকুরাই হারপেইতারা। আমার মৈতে বেইবুনিয় চারিবসর দরিয়্যা নিয়াম হংনা করিয়াউ এবাকাউ আহান করে নারেসি।

## বিষ্ণুপ্রিয়া মণিপুরী ঠারর উইকিপিডিয়া বিশ্বরমা ৫০তম

নিয়াম হারো পৌহান আর্টিক্যাল সংখ্যার মাতুঙে বিশ্বর ২৬৪হান ঠারর মিমাঙে আমার ঠারর ফামহান এবাকা ৫০তম। বর্তমানে বিষ্ণুপ্রিয়া মণিপুরী উইকির নিবন্ধ সংখ্যা ২৩,৪০৩ হান বারো নিবন্ধ আকেইহাত গড়ে আসেতা ৪৭৪০গো মেয়েক। ভারতীয় উপমহাদেশে হুন্দা নেপাল ভাষা, তেলেগু বারো হিন্দী ঠার আমার ঠারর গজে আসে। বাংলাদেশেও হুন্দা বাংলা বারো বিষ্ণুপ্রিয়া মণিপুরী ঠাররতা উইকি আসে। আমারতা লোকবল নেই বুলেউ যাকরর; অল্প সংখ্যক উৎসাহি মানুর তেৎনেই হংনা বারো পরিশ্রমরকা বিষ্ণুপ্রিয়া মণিপুরী এনসাইক্লোপেডিয়াহান আজি পর্যায়এহাৎ আহানি পারিলতা। আমার উইকিপিডিয়ক উতায় রাতদিন কাম করিয়া যিতারাগা এহানরে আরতাউ বরা করানিরকা।



## কিতা আসেতা বিষ্ণুপ্রিয়া মণিপুরী ঠারর উইকিপিডিয়াহাত?

আমার ঠারর উইকিপিডিয়ার উদ্দেশ্যহান আমার মানুরে মানসম্পন্ন বিশ্বকোষ আহান খুৎতল দেনা। অহানে ইতিহাস, বিজ্ঞানেত্ত চিংকরিয়া ভূগোল, দেশ, নদী, মহাসাগর, গণিত, কম্পিউটার, প্রকৌশল, টেলিযোগাযোগ, কলা, সংস্কৃতি, এলা, নাচা, চিত্রকলা, চলচ্চিত্র, ধর্ম, দর্শন, সমাজ বিজ্ঞান, রাজনীতি এসাদে এমন কোন বিষয় নেই যেতা উইকিপিডিয়াং না য়ৌগসে। উদাহরণ হিসাবে বিশ্বর হাবি মহাদেশ-দেশর বারে বিস্তারিত তথ্য, পৃথিবীর ইতিহাস, বিভিন্ন দেশর ইতিহাস, বিশ্বর নাঙজাদা লেখক-শিল্পকার-দার্শনিক-বৈজ্ঞানিক বারো নাঙজাদা ব্যক্তিত্বর জীবনি, আধুনিক প্রযুক্তি, জীববিজ্ঞান-চিকিৎসাবিজ্ঞানর নানান বিষয়, গণিত-পদার্থবিজ্ঞান-রসায়নবিজ্ঞানর জটিল বিষয়র গজে নিবন্ধ - হাবি আমার ঠারে। এতাবাদে আমার নিজর জাতর ডাঙরিয়া ব্যক্তিত্ব, ঠারর যারি, সাহিত্যর যারি, সংস্কৃতির নানান দিকলো পেইতাঙায় আবকচা নিবন্ধ। আমি হাবিয়ে আশা করারাৎ আকদিন আমার বিশ্বকোষ এহান বিষ্ণুপ্রিয়া মণিপুরী ঠারর হাবিত্ত মূল্যবান সম্পদহান অইতয়, যেহাত্ত আমার ভবিষ্যৎ প্রজন্মা, কনাক শৌ-শুমারা হাবি নিজর ঠারলো হারপানি পারতায় বিশ্বর হাবি তথ্য।

## অনলাইন এনসাইক্লোপেডিয়ার সমস্যাহানি

ভবিষ্যৎ যুগঅহান পুরাহান কম্পিউটার বারো ইন্টারনেটর যুগহান অইতয়,অহানে ভবিষ্যৎ নিয়া চাঙঅহান চিন্তার অবকাশ নেই। বিষ্ণুপ্রিয়া মণিপুরী ঠারর এনসাইক্লোপেডিয়ালো এবাকার সমস্যাহানি দেহরাং উতা অইলতা - এক. আমারতা কম্পিউটার ব্যবহারকারীর সংখ্যা কম, দুই. যেতাই কম্পিউটার ব্যবহার করার তানুরমা ইন্টারনেট ব্যবহার করতারা তা আরতাউ কম। তিন: যেতা ইন্টারনেট ব্যবহার করতারা ইকরা ইকরির কাম নাকরতারা বা ইউনিকোডে ইকরানি নারতারা। ফলাফল আমাদের আমার ঠারর উইকিপিডিয়াহান তাল্প তাল্প তলে লামে যারগা অন্য ঠারর উইকিপিডিয়া উতাত্ত।